

havendo fato citar sier Velor Grimani et sier Zuan Pixani procurator soli, per certa disobediencia contra una sua suspension, habbi fatto ruinar alcune boteghe apresso el campaniel di S. Marco, andò in renga et parlò malamente. El li rispose Santo Barbarigo avocato de la dita Procuratia *de supra*, dicendo dia esser citadi tutti, *undè* li XL se la riseno et l'avogador se tolse zoso et se parti.

Da poi disnar, el Serenissimo, vestito de restagno d'oro et bareta di tabì d'oro, vene in chiezia a vespero per la porta piccola, et andò sul pergolo iusta el solito. Oratori: Papa, Imperador, Franza, Anglia, Milan et Ferrara; era il primocerio di San Marco, et do episcopi Vegia et Parenzo, et il cavalier di Rodi Michiel et il Garzoni. Erano proenratori sier Jacomo Soranzo, sier Francesco Mozenigo, sier Carlo Morexini, sier Antonio Capello. Era *etiam* il cavalier di la Volpe et li officii tutti invidati al pranzo. Portò la spada sier Zuan Justinian, va capitano de le galie de Baruto, fo suo compagno sier Nicolò Bondimier di sier Andrea, tuti do in veludo cremexin.

*Di Anglia, vene letere di l'orator nostro, di Londra, di 27 April.* È risposta a li avogadori, con iuramento di l'orator et secretario in materia di sier Maphio Bernardo; et questa altra settimana sier Jacomo da Canal avogador vol venir al Pregadi.

Nota. Il formento è cressudo molto; è zonto a lire 10 el staro, et monstra cativa recolta; se tien questo anno sarà caro. In Cipro è mità, è saxon cativa, per la segura et non haver piovesto, et anche in Sicilia la saxon va cativa.

In questa matina, la compagnia de *Cortesi*, tutti in ordinanza con el suo signor andò a li Cai di X a dolersi de dolfini roti a le loro barche et parole scrite sopra li muri in suo vituperio, pregando volesseno dar taia per il Consejo di X, et loro offeriscono dil suo dar a chi manifesterà ducati 200. Li fo risposto facesseno la querela, che la meteriano. Li qual compagni ogni zorno disnanno et zenano a eaxa dil signor, sier Agustín Querini Stampalia, et vanno per canal in barche con le trombe et altri soni avanti, et questo dura fin el dì de Pasqua de mazo che farano la festa.

58\* *A dì 22, Zuoba, fo el zorno di la Sensa.* In tutta la Marzaria le boteghe fu aperte, cosa insolita farse in tal zorno che steyano serade excepto le spiziarie. È venuti grandissima quantità de forestieri.

Et iusta el solito, il Serenissimo Principe ve-

stilo di restagno d'oro de soto, con uno manto de raso cremexin et il bavaro de ermellini, bareta de tabì dorado, con li oratori Papa, Franza, Anglia, Milan et Ferrara, quel de l'imperador non vene per non esser ben sano. Era el ferier Michiel prior de S. Zuane dal Tempio. Era *etiam* el cavalier di la Volpe et quelli invidati al pranzo, tutti officii de Rialto, da conto. Portò la spada sier Daniel Bragadin de sier Andrea, va capitano de le galie di Alexandria, suo compagno sier Antonio Alberto, tutti do in veludo cremexin. Et hesendo a S. Nicolò a la messa vene un gran scasso de pioza, poi se stalò, sichè si vene in palazzo per la via de la piazza. *Etiam* questa note fo un gran seasso de aqua, ma durò poco.

È da saper. Acadete uno stranio eaxo, che il buciatoro apresentatosi a Lio per dismantar, o per . . . . quelli de certi navili, fanti de Zuan di Como, al numero de 200, che vanno a Corfù et hanno tocato 3 page per uno: li bombardieri in segno de alegrezza, treteno artellarie verso el buciatoro, et li coconi de carta erano, i qual andono nel buciatoro et magagnò in la tempia sier Francesco Querini qu. sier Zuan Battista di anni 17 et cascò stramortito con gran sangue; se tien morirà; uno altro li dete in el ventre, et uno . . . in . . . Et passò uno cocon in mezo di sier Lorenzo Bragadin consier et sier Nicolò Grioni eao di XL, et non fè mal; poco mancoe Bortolomio eapitano de le barche dil Consejo di X non fusse toeo dal cocon, li andò a raso la testa; sichè questo seguite hozi.

È da saper. L'orator cesareo heri fo a vespero col Serenissimo, la nocte li veue el suo mal de brusior de orina, sichè non potè venir.

È da saper. El prefato orator disse heri al Serenissimo et a la Signoria haver hauto una letera de Alexandria, dil signor Antonio da Leva, che scrive per questi moti dil Stato dil Monferà, venendo francesi in aiuto dil marchese di Saluzo, quel vol far la Signoria, et quanto aiuto la vol dar. Al qual se li risponderà per Pregadi.

*Di Genoa, fono avisi,* dil tornar et zonzer de li el signor Andrea Doria con le sue galie, vien de Barzelona, a di . . . .

*Di Franza, fo letere, di l'orator, da Melun, di 22.* Il sumario scriverò lete le saranno in Pregadi, iusta el solito.

Da poi disnar, niun di Savi se reduseno, chi andò a disnar a Muran, chi altrove, sichè el Collegio non si reduce.